



VÍS: Uppgjör 1. ársfjórðungs 2023

Árshlutareikningur félagsins fyrir fyrsta ársfjórðung 2023 var staðfestur af stjórn og forstjóra á stjórnarfundum þann 4. maí.

Helstu niðurstöður 1F 2023

- Hagnaður tímabilsins var 229 milljónir¹, samanborið við hagnað upp á 73 milljónir á sama tímabili í fyrra
- Afkoma af váttryggingasamningum á tímabilinu var neikvæð um 645 milljónir, samanborið við neikvæða afkomu upp á 269 milljónir á sama tíma í fyrra
- Samsett hlutfall fjórðungsins var 110,4%, en var 104,7% á sama tíma í fyrra
- Tekjur af váttryggingasamningum á tímabilinu voru 6.177 milljónir, í samanburði við 5.779 milljónir í fyrra
- Afkoma fjárfestinga var 1.058 milljónir, samanborið við 205 milljónir á sama tímabili í fyrra

Guðný Helga Herbertsdóttir, forstjóri VÍS:

„Hagnaður fyrsta ársfjórðungs nam 229 milljónum þrátt fyrir tjónþungt tímabil. Fyrsti ársfjórðungur er jafnan tjónþungur enda endurspeglast tíðarfarið vel í okkar bókum. Ríflega hundrað ára kuldamet féll á tímabilinu en það var viðvarandi kuldatíð í sex vikur, eða frá 7. desember til 19. janúar. Þetta var kaldasta sex vikna tímabil í Reykjavík síðan árið 1918 þegar frostaveturinn mikli reið yfir landið. Tvö stórtjón voru hjá okkur á tímabilinu sem telja tæp 4% af tjónahlutfalli; ábyrgðartjón og brunatjón. Við greiddum viðskiptavinum okkar 4,5 milljarða í tjónabætur á fjórðungnum.

Aukning í sölu í fyrsta sinn í sex ár

Við jukum sölu skírteina í fyrsta sinn í sex ár í fjórðungnum, enda hefur verið rík áhersla á sókn hjá félaginu. Við höfum umbreytt nálgun okkar í sölu hjá félaginu með nýju skipulagi og áherslu á landsbyggðina. Þá hafa aukin umsvif í samfélaginu einnig leitt til fjölgunar trygginga í ákveðnum atvinnugreinum.

Óbreyttar horfur

Einskiptiskostnaður á tímabilinu nam um 130 milljónum og má þar helst nefna forstjóraskipti, ráðgjafakostnað vegna viðræðna um kaup á hlutabréfum í Fossum fjárfestingarbanka og húsnæðisbreytingar fyrir SIV eignastýringu. Þrátt fyrir verðbólgu og kjarasamningsbundnar launahækkanir, þá erum við að halda í við kostnaðinn – en án einskiptisliða erum við nánast með sömu krónutölu milli ára. Hagræðing í rekstri sýnir að við erum á réttri leið. Samsett hlutfall fjórðungsins er 110,4% (108,3% án einskiptisliða) en var 104,7% á sama tíma í fyrra. Horfur ársins eru óbreyttar – enda er tryggingarekstur sveiflukenndur og horfurnar taka mið af því. Gert er ráð fyrir að samsett hlutfall ársins verði á bilinu 96-98%.

Góð ávöxtun fjáreigna í fjórðungnum

Fjárfestingartekjur í fjórðungnum námu tæpum 1,2 milljörðum og nafnávöxtun var 2,7%. Allir eignaflokkar skiluðu jákvæðri afkomu og var ávöxtun helstu eignaflokka umfram markaðsávöxtun. Önnur skuldabréf hækkuðu mest og skráð hlutabréf þar á eftir. Þess má geta að SIV eignastýring réð til sín tvo starfsmenn í fjórðungnum. Félagið er því vel í stakk búið til að hefja starfsemi um leið og það fær starfsleyfi sem rekstraraðili sérhæfðra sjóða með viðbótarheimild til eignastýringar.

Nýtt skipurit

Undanfarin misseri hefur rík áhersla verið á sókn félagsins og framúrskarandi þjónustu – og nú viljum styðja enn frekar við þá vegferð. Við höfum breytt skipulagi félagsins og myndað kröftuga framkvæmdastjórn sem ég er fullviss um að eigi eftir að verða öflugir liðsmenn í áframhaldandi sókn félagsins á tryggingamarkaði. Ég hlakka til komandi tíma – og samstarfsins með nýrri framkvæmdastjórn.

¹ Samanburðarfjárhæðum hefur verið breytt til samræmis við IFRS17.



Tækifæri á markaði

Við sögðum frá því á fjórðungnum að stjórn VÍS og hluthafar Fossa fjárfestingarbanka hefðu ákveðið að hefja viðræður um kaup VÍS á öllu hlutafé í Fossum. Áreiðanleikakannanir eru yfirstaðnar og nú standa yfir viðræður um kaupin og miðar þeim vel áfram. Vert er að geta þess að kaupin yrðu háð skilyrðum um samþykki eftirlitsstofnana og samþykki hluthafa.“

Kynningarfundur

Kynningarfundur vegna uppgjörsins fyrir markaðsaðila og fjárfesta verður haldinn föstudaginn 5. maí, klukkan 8:30 í húsnæði félagsins, Ármúla 3. Guðný Helga Herbertsdóttir, forstjóri, mun kynna uppgjörið og svara spurningum. Hægt verður að fylgjast með fundinum á [þessari slóð](#) og þar verður einnig hægt að nálgast upptöku af fundinum sem og kynningarefni fundarins.

Fjárhagsdagatal

Annar ársfjórðungur 2023 || 17. ágúst 2023

Þriðji ársfjórðungur 2023 || 19. október 2023

Ársuppgjör 2023 || 22. febrúar 2024

Aðalfundur 2024 || 14. mars 2024

Nánari upplýsingar

Nánari upplýsingar veitir Erla Tryggvadóttir, samskiptastjóri VÍS, í síma 660-5260 eða með netfanginu erlat@vis.is



Rekstrarreikningur

	1F 2023	1F 2022	Br.	Br. %
Tekjur af váttryggingasamningum	6.177	5.779	398	7%
Kostnaður af váttryggingasamningum				
- Tjón tímabilsins	-5.155	-4.482	-673	15%
- Rekstrarkostnaður váttryggingasamninga	-1.486	-1.420	-66	5%
Hreinn kostnaður af endurtr.samningum	-181	-146	-35	24%
Afkoma af váttryggingasamningum	-645	-269	-376	-140%
Aðrar fjárfestingartekjur	329	52	278	
Gangvirðisbreyting fjárfestingareigna	827	223	604	
Rekstrarkostnaður fjárfestinga	-98	-70	-29	
Afkoma fjárfestinga	1.058	205	853	
Fjármagnsliðir váttryggingasamninga	-193	95	-288	
Afkoma fjármagnsliða	865	300	565	
Aðrar tekjur og gjöld	-8	11	-19	
Hagnaður fyrir skatta	212	42	170	
Tekjuskattur	17	31	-13	
Hagnaður tímabilsins	229	73	157	
Tjónahlutfall að teknu tilliti til endurtr.	86,4%	80,1%		
Kostnaðarhlutfall váttryggingasamninga	24,1%	24,6%		
Samsett hlutfall	110,4%	104,7%		
Ávöxtun fjáreigna	2,7%	0,8%		
Arðsemi eigin fjár	1,4%	0,4%		
Hagnaður á hlut	0,13	0,04		



Efnahagsreikningur

Eignir	31.03.2023	31.12.2022
Rekstrarfjármunir	295	346
Viðskiptavild og aðrar óefnislegar eignir	1.383	1.415
Húsaleigueign	596	616
Skatteign	0	0
Fjárfestingareignir	43.098	41.854
Fjárfestingar með fjárfestingaráhættu líftryggingataka	1.141	1.154
Endurtryggingaeignir	1.521	1.138
Aðrar kröfur	1.784	1.250
Handbært fé	1.299	2.381
Eignir samtals	51.116	50.154
Eigið fé		
Hlutfé	1.696	1.716
Lögbundinn varasjóður	626	626
Bundið eigið fé	6.599	6.672
Óráðstafað eigið fé	7.299	8.266
Eigið fé hluthafa móðurfélags	16.219	17.279
Hlutdeild minnihluta	43	46
Eigið fé samtals	16.262	17.325
Skuldir		
Víkjandi skuldabréf	3.371	3.320
Tekjuskattsskuldbinding	99	116
Húsaleiguskuldbinding	644	664
Skuldbinding vegna greiddra iðgjalda	3.424	2.207
Skuldbinding vegna orðinna tjóna	23.510	22.881
Líftryggingaskuld með fjárfestingaráhættu líftryggingataka	1.141	1.154
Viðskiptaskuldir og aðrar skuldir	2.665	2.487
Skuldir samtals	34.853	32.830
Eigið fé og skuldir samtals	51.116	50.154